



PEJABAT TIMBALAN KETUA PENGARAH PELAJARAN MALAYSIA
OFFICE OF DEPUTY DIRECTOR-GENERAL OF EDUCATION MALAYSIA

SEKTOR OPERASI PENDIDIKAN

EDUCATIONAL OPERATION SECTOR

~~KEMENTERIAN PELAJARAN MALAYSIA~~

MINISTRY OF EDUCATION MALAYSIA

ARAS 4 BLOK E2, KOMPLEKS E

LEVEL 4 BLOCK E2 COMPLEX E

PUSAT PENTADBIRAN KERAJAAN PERSEKUTUAN

FEDERAL GOVERNMENT ADMINISTRATIVE CENTRE

62604 PUTRAJAYA

MALAYSIA

KEMENTERIAN PENDIDIKAN MALAYSIA

Tel : +603-8884 9302
Fax : +603-8888 6680
Website : <http://www.moe.gov.my/>

Rujukan Kami : KPM.600-14/1/20 Jld 26()
Tarikh : 27 Disember 2018
19 Rabiulakhir 1440H

YBhg. Datuk Dr. Ir. Hong Lee Pee
Pengerusi
Jawatankuasa Pemandu KLESF
Universiti Tunku Abdul Rahman
Jalan Sungai Long, Bandar Baru Sungai Long
Cheras, 43000 Kajang
Selangor Darul Ehsan.

YBhg. Datuk Dr. Ir.,

PENGANJURAN KUALA LUMPUR ENGINEERING SCIENCE FAIR (KLESF): THE FAIR 2019

Dengan hormatnya surat YBhg. Datuk Dr. Ir. adalah dirujuk.

2. Sukacita dimaklumkan bahawa, Kementerian Pendidikan Malaysia telah menerima permohonan daripada pihak Jawatankuasa Pemandu *Kuala Lumpur Engineering Science Fair (KLESF)* untuk meneruskan **penganjuran KLESF 2019**. Program ini bertujuan untuk meningkatkan dan memupuk minat murid sekolah dalam bidang sains, teknologi, kejuruteraan dan matematik (STEM).

3. Setelah meneliti surat permohonan tersebut, Kementerian ini **tiada halangan** untuk membenarkan pihak YBhg. Datuk Dr. Ir. melaksanakan program tersebut seperti dalam perancangan. Bahagian ini memutuskan program/pertandingan ini diiktiraf sebagai **program kokurikulum mengikut peringkat pelaksanaan samada peringkat sekolah/negeri/kebangsaan (berdasarkan laporan yang diterima kelak)**.

4. Kelulusan ini juga tertakluk kepada Surat Pekeliling Ikhtisas Bil 9/2004 - Panduan Penglibatan Murid-Murid Sekolah Dalam Program atau Aktiviti Anjuran Agensi-Agensi Selain Daripada Agensi di Bawah Kementerian Pelajaran Malaysia. Aspek kebajikan, keselamatan dan kesejahteraan murid hendaklah diutamakan seperti yang terkandung dalam Surat Pekeliling Ikhtisas Bil.8/2009 dan Bil. 7/1988 yang antaranya mengandungi perkara-perkara berikut:

- i. Mendapat kebenaran daripada Pengetua/Guru Besar sekolah-sekolah yang terlibat;
- ii. Penganjur bertanggungjawab menjaga keselamatan dan kebajikan murid yang terlibat dengan program ini;
- iii. Murid-murid dan guru serta pihak sekolah tidak boleh dipaksa atau diwajibkan terlibat dengan program ini.
- iv. Persetujuan dan kebenaran bertulis daripada ibu bapa atau penjaga murid yang menyertai program berkenaan;

- v. Penglibatan murid juga perlu diiringi oleh guru sekolah berkenaan;
- vi. Penglibatan guru dan murid dalam program ini tidak akan menjejaskan proses pengajaran dan pembelajaran mereka;
- vii. Perlindungan insurans dan langkah-langkah keselamatan murid disediakan; dan
- viii. Penggunaan Jata Negara dengan perkataan Kementerian Pendidikan Malaysia bagi memaklumkan akan kerjasama program ini dengan Kementerian Pendidikan Malaysia dan sebarang logo yang berkaitan dibenarkan hanya untuk *backdrop*, *banner*, sijil, cenderamata, kad jemputan serta buku program sahaja dan tidak dibenarkan untuk tujuan mendapatkan tajaan atau lain-lain yang bertujuan komersial.

5. Sehubungan dengan itu, dimaklumkan bahawa penyertaan guru dan murid dalam program tersebut tidak akan memberikan implikasi kewangan kepada pihak Kementerian Pendidikan Malaysia, Jabatan Pendidikan Negeri dan Pejabat Pendidikan Daerah yang terlibat. Pihak YBhg. Datuk Dr. Ir. juga diminta berbincang dan mendapat kebenaran Pengarah, Jabatan Pendidikan Negeri dan Guru Besar sekolah yang berkenaan terlebih dahulu agar tidak menimbulkan sebarang implikasi yang negatif daripada program yang dijalankan. Bersama-sama ini disertakan Garis Panduan Pelaksanaan Program/Aktiviti Kokurikulum Kementerian Pendidikan Malaysia dengan Agensi Luar untuk makluman dan tindakan pihak YBhg. Datuk Dr. Ir. Pihak YBhg. Datuk Dr. Ir. juga diingatkan agar semua surat menyurat berkaitan program ini hendaklah melalui Kementerian Pendidikan Malaysia/Jabatan Pendidikan Negeri/Pejabat Pendidikan Daerah bukan terus kepada pihak sekolah.

6. Kelulusan ini adalah hanya untuk **Program KLESF 2019** seperti yang dinyatakan dan tamat tempohnya pada 31 Disember 2019. Pihak YBhg. Datuk Dr. Ir. juga dipohon menghantar laporan ringkas program (*soft copy*) mengikut format (lampiran 1) yang dilampirkan bersama-sama surat ini selepas 2 minggu program selesai dijalankan, sementara laporan penuh program bolehlah dihantar di akhir tahun 2019. Pegawai Bahagian Kokurikulum dan Kesenian, Kementerian Pendidikan Malaysia, Pn. Zalina Kamis (03-8872 1626 atau emel: zalina.kamis@moe.gov.my) sedia membantu untuk memberikan penjelasan lanjut.

Sekian, terima kasih.

“BERKHIDMAT UNTUK NEGARA”

Saya yang menjalankan amanah,



(SHAARI BIN OSMAN)

Pengarah
Bahagian Pengurusan Sekolah Harian
b/p Timbalan Ketua Pengarah Pelajaran (Sektor Operasi Pendidikan)
Kementerian Pendidikan Malaysia

- s.k:
- 1. Pengarah, Bahagian Kokurikulum dan Kesenian.
 - 2. Pengarah, Jabatan Pendidikan Negeri.